

К ОПУБЛИКОВАНИЮ

КОМИ РЕСПУБЛИКАЛӨН ОЛАНПАС

Торъя категория гражданаёс оланінөн могмөдөм серти социальнөя отсалан мераяс сетөмкөд йитчөм юалөмьяс серти Коми Республикаса өткымын оланпастэчас актө вежсьөмьяс пыртөм йылысь

Примитөма Коми Республикаса
Каналан Сөветөн

2022 вося йирым төлысь 27 лунө

1 статья. «Коми Республикаын меставывса асвескөдлан органьяслы Коми Республикаса торъя канму уджмогьяс сетөм йылысь» Коми Республикаса Оланпаслөн 1 статьяө (Коми Республикаса канму власьт органьяслөн индөд-тшөктөмьяс, 2015, 23 №, 334 ст.; 2016, 1 №, 6 ст.; 4 №, 52 ст.; 12 №, 152 ст.; 17 №, 226 ст.; 18 №, 251 ст.; 2017, 26 №, 461 ст.; 2018, 6 №, 94 ст.; 10 №, 176 ст.; 177 ст.; 17 №, 303 ст.; 304 ст.; 19 №, 354 ст.; 367 ст.; 2019, 11 №, 148 ст.; 149 ст.; 154 ст.; 15 №, 206 ст.; 207 ст.; 18 №, 265 ст.; 2020, 4 №, 29 ст.; 18 №, 292 ст.; 294 ст.; 22 №, 366 ст.; 2021, 10 №, 199 ст.; 200 ст.; 16 №, 292 ст.; 20 №, 373 ст.; 22 №, 406 ст.; 410 ст.; 2022, 6 №, 56 ст.) татшөм вежсьөмьяс:

9 пунктын:

1) «а» пунктун гижны тадзи:

«а) боевөй тышьясса вермытөмьясөс, а сідзжө военнотужащөйясөс да пытшкөс делөяс органьясса, национальной гвардияслөн войскаясса, Пөжарысь видзчысян канму службаса, мыж вештан системалөн учреждениеясса да органьясса, Россия Федерациялөн мырдөн олөмө пөртан органьясса радөвөй да веськөдлысь составысь йөзөс, кодьяс военной службаса кывкутана могьяс (служебнөй кывкутана могьяс) збыльмөдігөн доймөм, контузия либө сьөкыда доймөм вөсна лоисны вермытөмьясөн;»;

2) «в» пунктун гижны тадзи:

«в) боевөй тышьясса пөгибнитөм (кувсьөм) вермытөмьяслөн да боевөй тышьясса ветераньяслөн семьясө пырысьясөс, военнотужащөйяслөн, пытшкөс делөяс органьясса, национальной гвардияслөн войскаясса, Пөжарысь видзчысян канму службаса, мыж вештан системалөн учреждениеясса да органьясса, Россия Федерациялөн мырдөн олөмө пөртан органьясса да канму безопассыт органьясса радөвөй да веськөдлысь составысь йөзлөн, кодьяс пөгибнитисны военной службаса кывкутана могьяс (служебнөй кывкутана могьяс) збыльмөдігөн, семьясө пырысьясөс, пленын пөгибнитөм, боевөй тышьяслөн районьясын юөртөг вошөмаясөн урчитөм пөрадокын шуөм военнотужащөйяслөн семьясө пырысьясөс;».

2 статья. Пыртны «Торъя категория гражданаос оланінөн (олан жыръясөн) могмөдөм серти социальнөя отсалан мераяс сетөмкөд йитчөм өткымын юалөм йылысь» Коми Республикаса Оланпаслөн 1 статьяө (Коми Республикаса канму власьт органьяслөн индөд-тшөктөмьяс, 2015, 26 №, 366 ст.; 2016, 12 №, 152 ст.; 22 №, 347 ст.; 2017, 27 №, 487 ст.; 2018, 10 №, 177 ст.; 2019, 11 №, 154 ст.; 2021, 20 №, 367 ст.) татшөм вежсьөмьяс:

1) 2 пункт гижны тадзи:

«2) боевөй тышьясса вермытөмьяс, а сідзжө военнотушьясцөйяс да пытшкөс делөяс органьясса, национальнөй гвардияслөн войскаясса, Пөжарысь видзчысян канму служба, мыж вештан системалөн учреждениеясса да органьясса, Россия Федерациялөн мырдөн олөмө пөртан органьясса радөвөй да веськөдлысь составысь йөз, кодьяс военнөй служба кывкутана могьяс (служебнөй кывкутана могьяс) збыльмөдігөн доймөм, контузия либө сьөкыда доймөм вөсна лотсны вермытөмьясөн;»;

2) 4 пункт гижны тадзи:

«4) боевөй тышьясса пөгибнитөм (кувсьөм) вермытөмьяслөн да боевөй тышьясса ветераньяслөн семьясө пырысьяс, военнотушьясцөйяслөн, пытшкөс делөяс органьясса, национальнөй гвардияслөн войскаясса, Пөжарысь видзчысян канму служба, мыж вештан системалөн учреждениеясса да органьясса, Россия Федерациялөн мырдөн олөмө пөртан органьясса да канму безопасносьт органьясса радөвөй да веськөдлысь составысь йөзлөн, кодьяс пөгибнитисны военнөй служба кывкутана могьяс (служебнөй кывкутана могьяс) збыльмөдігөн, семьясө пырысьяс, пленын пөгибнитөм, боевөй тышьяслөн районьясын юөртөг вошөмаясөн урчитөм пөрадокын шуөм военнотушьясцөйяслөн семьясө пырысьяс;».

3 статья. Тайө Оланпасыс вынсялө сійөс официальнөя йөзөдан лунсянь.

Коми Республикаса Веськөдлан котырлы лөсьөдны ассьяс нормативнөй инөда актьяссө тайө Оланпас серти.

Коми Республикаса Юралысь

В.В. Уйба

Сыктывкар

2022 вося вөльгым төлысь 7 лун

98-РЗ №